



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0018998 20
Sarajevo, 22.12.2022. godine

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i) Zakona o krivičnom postupku Bosne i Hercegovine (ZKP BiH) („Službeni glasnik Bosne i Hercegovine“, br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13, 65/18), te člana 226. stav 1. i člana 227. ZKP BiH, p o d i ž e m

OPTUŽNICU

Protiv:

Aleksandara Slijepčevića, [REDACTED], rodenog [REDACTED] 1995. godine u Prnjavoru, [REDACTED] državljanina Bosne i Hercegovine, [REDACTED]
[REDACTED]
[REDACTED]
[REDACTED]

što je:

Počevši od 2018. godine pa do 2020. godine, protivno članu 32. Zakona o autorskim i srodnim pravima ("Službeni glasnik Bosne i Hercegovine", broj 63/10), sa namjerom i u cilju da bez odobrenja oštećenog pravnog lica [REDACTED], nad kojima je pravno lice nosilac imovinskih prava iz autorskih prava nad serijama „[REDACTED]“, [REDACTED], svjesno i htijući, putem internet stranice [REDACTED] u svojstvu administratora, omogućavao pristup sadržajima serija kao zaštićenom autorskom pravu i to ukupno 33 epizode serije [REDACTED]
[REDACTED]
[REDACTED]

██████████, a sve putem tehnologije u kojoj korisnik istovremeno prima i reprodukuje podatke (streaming tehnologija) i tehnologije u kojoj korisnik direktno gleda sadržaje putem interneta (OTT tehnologija), omogućavajući pristup navedenim sadržajima putem računara, smart telefona, televizora i odgovarajućih uređaja za prijem i obradu digitalnih zemaljskih televizijskih i satelitskih signala (set top box uređaji), a na koji način je učinio dostupnim javnosti označena autorska djela za koje nije imao potpisane ugovore, odnosno dozvolu nosioca autorskih prava, za koju svrhu je postavljao reklame putem novih prozora internetskih preglednika (Pop-Up), mreža za direktno oglašavanje (PopMyAds), programa za zaradu u slučaju pridruživanja kontakta programu (PopCash), tehnologija za prenos audio i video sadržaja preko žične i bežične mreže (openload for streaming) i ciljanih mreža za oglašavanje (AdNow native reklame) postavljenih na njegovoj web stranici i na društvenim mrežama, gdje je kao kontakt ostavljao svoju e-mail adresu: ██████████

Dakle, u namjeri, bez odobrenja nosioca autorskog prava učinio dostupnim javnosti autorska djela,

Čime je počinio krivično djelo Nedožvoljeno korištenje autorskih prava iz člana 243. stav 1. Krivičnog zakona Bosne i Hercegovine („Službeni glasnik Bosne i Hercegovine“, br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18).

TUŽILAC
TUŽILAŠTVA/TUŽITELJSTVA BiH